

**Resolución reitoral do 03 de xullo de 2023, da Universidade de Santiago de Compostela,  
pola que se establecen as bases reguladoras e se convocan bolsas para a iniciación á  
investigación para alumnos no Instituto de estudos e desenvolvemento de Galicia –  
IDEGA**

A Universidade de Santiago de Compostela ten entre as súas finalidades a creación, desenvolvemento, transmisión e crítica do coñecemento científico, técnico, artístico e humanístico, tal e como dispón o artigo 4 dos seus Estatutos.

O Instituto de Estudos e Desenvolvemento de Galicia (IDEGA) da Universidade de Santiago de Compostela, creado en xullo de 1976 (RD 2078 do 30 de xullo de 1976 (BOE do 04/11/1976)), constitúese como un instituto dedicado ás investigacións básicas e aplicadas desenvolvidas nas liñas de investigación da área científico-técnica “Humanidades e Ciencias Sociais” que priorizan a análise e estudio do desenvolvemento sostible desde unha perspectiva territorial; considerando as súas tres dimensións básicas convxuntamente (medioambiental, económica e social)

O IDEGA, desde o inicio da súa actividade hai case 50 anos, amosou o seu compromiso co fomento da investigación científica, a xeración de coñecemento sobre a realidade social, económica e territorial de Galicia e a difusión dos seus resultados en beneficio de toda a sociedade.

Con esta finalidade, establecense as bases reguladoras e a convocatoria de bolsas obxecto desta resolución, de conformidade coa Lei 38/2003, do 17 de novembro, xeral de subvencións e co Real decreto 887/2006, do 21 de xullo, polo que se aproba o seu Regulamento.

Esta Reitoría, no uso das atribucións que ten conferidas resolve:

## **BASES E CONVOCATORIA**

### **PRIMEIRA. Obxecto**

O obxecto das bolsas será o de fomentar a iniciación á investigación mediante a atracción de estudiantes interesados en realizar unhas prácticas formativas no marco dun proxecto de investigación.

As persoas beneficiarias terán asignado un plan de investigación nunha das áreas de investigación do Idega baixo a supervisión dunha investigadora principal. O alumnado

adquirirá coñecementos e destrezas na área temática do seu proxecto de investigación e, así mesmo, participará nas actividades científicas do centro.

### **SEGUNDA. Réxime xeral**

A Universidade de Santiago de Compostela convoca, en réxime de concorrencia competitiva, o número de bolsas que se establece para o centro no Anexo I.

Poderase reservar un número de bolsas para alumnado da Universidade de Santiago de Compostela.

### **TERCEIRA. Características das bolsas**

As prácticas formativas que son obxecto destas bolsas terán unha duración de un mes e desenvolveranse nos períodos establecidos no Anexo I.

A axuda para todo o período será a establecida no Anexo I. No caso de que o período de estancia sexa menor, aboarase a parte proporcional.

### **CUARTA. Requisitos dos beneficiarios**

1. Poderán acceder á consideración de beneficiarios as persoas físicas nas que concorran as circunstancias previstas na convocatoria, e que cumpran os requisitos establecidos na Lei 38/2003, do 17 de novembro, xeral de subvencións.
2. Poderán acceder a estas bolsas os e as estudiantes que cumpran os seguintes requisitos académicos:
  - a) Requisitos de titulación establecidos no anexo I.
  - b) A nota media do seu expediente académico debe ser igual ou superior a 7 puntos sobre base 10, debendo ter superado polo menos o 55 % dos créditos da titulación

### **QUINTA. Incompatibilidades**

Ademais das incompatibilidades xerais establecidas na Lei xeral de subvencións e demais normativa aplicable, a percepción da bolsa será incompatible con calquera outra axuda ou subvención para a mesma finalidade, así como con calquera remuneración en concepto de salario.

### **SEXTA. Criterios de selección e adxudicación das bolsas**



1. A ordenación das solicitudes farase de acordo cos seguintes criterios, sobre unha puntuación máxima de 10 puntos:
  - a) Os expedientes académicos das persoas solicitantes, que suporán o 60% da valoración obtida.
  - b) O currículo vítae presentando, no que se terán en conta as publicacións, premios e a formación relacionada co obxecto das bolsas, entre outros aspectos. Este apartado suporá o 30% da valoración obtida.
  - c) A expresión de interese das persoas aspirantes formulada na carta de presentación, que suporá o 10% da valoración obtida.

## SÉTIMA. Presentación de solicitudes

1. A presentación de solicitudes farase a través da [Sede Electrónica da Universidade de Santiago](#) de Compostela, empregando o formulario de solicitud dispoñible dirixido á Área de Investigación, ou por calquera dos medios establecidos no artigo 16 da Lei 39/2015 do 1 de outubro, do procedemento administrativo común das administracións públicas.
2. Na solicitude deberá indicarse que desexa participar na convocatoria de **bolsas para a iniciación á investigación no Instituto de Estudos e Desenvolvimento de Galicia – IDEGA**. (Non é preciso achegar ningunha documentación no momento de realizar este rexistro).
3. Presentada a solicitude no rexistro electrónico da USC, e recepcionada pola Subárea de Convocatorias e RRHH de I+D, á persoa solicitante recibirá, **ao enderezo de correo electrónico indicado na súa solicitude**, instrucións de como debe presentar os documentos requeridos para avaliar a súa solicitude.
4. Os documentos requeridos que as persoas interesadas deberán achegar, logo da recepción das instrucións mencionadas no punto 3 son:
  - a) Copia da **certificación académica** do grao ou título equivalente no que consten as cualificacións obtidas e con expresión da nota media en base 10 obtida nos estudos oficiais que estea cursando ou cursara a persoa solicitante. No suposto de ter realizado estudos no estranxeiro nun idioma diferente ao inglés, a certificación deberá presentarse coa tradución oficial ao español ou galego.
  - b) Copia do **xustificante de matrícula** correspondente aos cursos 2021-2022 ou 2022-2023 ou documento acreditativo expedido pola universidade correspondente.

- c) **Curriculum Vitae** da persoa solicitante.
- d) **Anexo II, proxectos elixibles do IDEGA.** O traballo de investigación a realizar polo/a bolseiro/a adaptase ás liñas de investigación contempladas na axenda científica do IDEGA.
- e) **Anexo III – Formulario Datos Persoais, declaración responsable** manifestando que a documentación achegada e a información declarada é veraz e comprometéndose a achegar a documentación orixinal no caso de que lles fose requirida en calquera momento do proceso de selección ou durante o desfrute da bolsa. O incumprimento do requerimento dará lugar á exclusión da solicitude durante o proceso de selección ou ao reintegro da asignación económica no caso de que a persoa resultase beneficiaria.
- f) **Anexo IV – Carta de Aceptación.**

#### **OITAVA. Publicidade e prazo de presentación de solicitudes.**

As bases e a convocatoria publicaranse no [Taboleiro Electrónico](#) da Universidade de Santiago de Compostela. O prazo de presentación de solicitudes comezará ao día seguinte da publicación no Taboleiro Electrónico e rematará aos 14 días naturais a partir do día seguinte ao da súa publicación.

#### **NOVENA. Instrucción e tramitación do procedemento.**

O órgano competente para a instrucción do procedemento será á Subárea de Convocatorias e de RRHH da Área de Xestión da Investigación da Universidade de Santiago de Compostela.

Á vista das solicitudes presentadas, o órgano instrutor realizará de oficio as actuacións que estime necesarias para a determinación dos datos en virtude dos que debe formularse a proposta de resolución de admitidos e excluídos. No caso de advertir que a documentación presentada é incompleta concederá un prazo de emenda de 3 días hábiles ás persoas solicitantes. De non emendar os defectos nese prazo, procederá ao arquivo da solicitude.

Unha vez emendadas as deficiencias que se aprecien nas solicitudes, a Subárea elevará a relación nominal de solicitantes xunto coa documentación á Comisión de Selección.

#### **DÉCIMA. Órgano de selección**

A Comisión de Selección será a encargada de avaliar as diferentes solicitudes e de emitir un informe no que se concrete o resultado da avaliación, tendo en conta os requisitos xerais

establecidos e os criterios de selección e adxudicación previstos na base Sexta. O informe será remitido á Subárea de Convocatorias e de RRHH da Área de Xestión da Investigación e recollerá a ordenación de todas as solicitudes presentadas.

Constituirase unha Comisión de Selección que estará formada pola persoa Directora do IDEGA, que a presidirá, ou persoa en quen delegue, e dous investigadores/as adscritos ao centro dos que unha delas actuará como secretario/a por designación da persoa que exerce a presidencia da comisión.

## UNDÉCIMA. Proposta de resolución

Á subárea á vista do informe da Comisión de Selección, formulará a proposta de resolución de concesión que se publicará no [Taboleiro Electrónico](#) da Universidade de Santiago de Compostela e na páxina web da Subárea.

Por tratarse dunha convocatoria en réxime de concorrencia competitiva, a Subárea poderá acordar a publicación da relación de solicitantes que constituirán a lista de agarda para o caso de que existan renuncias das persoas beneficiarias.

No prazo de 3 días hábiles desde a publicación da proposta de resolución, as persoas adxudicatarias deberán comunicar a súa aceptación mediante correo electrónico dirixido á Subárea de Convocatorias e de RRHH da Área de Xestión da Investigación ([investigacion.rhh@usc.es](mailto:investigacion.rhh@usc.es)), achegando o modelo establecido no [Anexo IV](#).

## DUODÉCIMA. Resolución, notificación e réxime de recursos.

A Subárea de Convocatorias e de RRHH da Área de Xestión da Investigación elevará a proposta de resolución definitiva á Reitoría da Universidade, que ditará a resolución que poña fin ao procedemento.

A falta de resolución e notificación no prazo sinalado dará lugar a que se entendan desestimadas as correspondentes solicitudes.

A proposta de resolución contemplada na base undécima non xera dereitos a favor do beneficiario proposto mentres non se notifique a resolución de concesión.

A resolución de concesión ou denegación definitiva adoptarase no prazo máximo dun mes contado desde a finalización do prazo de presentación de solicitudes, e comunicarase de acordo co establecido no artigo 45 da Lei 39/2015 do 1 de outubro, mediante a súa publicación no Taboleiro Electrónico da Universidade de Santiago de Compostela.

De conformidade cos artigos 123 e 124 da Lei 39/2015 do 1 de outubro, contra a resolución de concesión ou denegación que pon fin á vía administrativa, cabe interpoñer recurso potestativo de reposición.

### DÉCIMOTERCEIRA. Entrega de documentación

As persoas beneficiarias das bolsas de acordo coa resolución definitiva, deberán entregar na Subárea de Convocatorias e de RRHH da Área de Xestión da Investigación con carácter previo ao inicio das prácticas formativas extracurriculares, a seguinte documentación:

- a) Copia do documento de identidade ou pasaporte.
- b) Número da Seguridade Social, que deberán solicitar no Instituto Nacional da Seguridade Social (INSS) no caso de non dispoñer del.
- c) Modelo 145 da Axencia Estatal de Administración Tributaria (AEAT) que se pode descargar no seguinte endereço: [Modelo 145](#).
- d) Código Conta Cliente da entidade bancaria onde queiran percibir a axuda.

Para entregar a documentación establecida anteriormente, a Subárea de Convocatorias e de RRHH da Área de Xestión da Investigación comunicará ás persoas beneficiarias como deberán achegar dita documentación, facéndolle chegar as instrucións pertinentes ao enderezo de correo electrónico que indicaron na súa solicitude.

### DÉCIMOCUARTA. Obrigas das persoas beneficiarias

As persoas beneficiarias das bolsas están obrigadas a asistir ás prácticas formativas extracurriculares para as que se concede a bolsa, sendo necesario que o centro de acollida expida un documento acreditativo que xustifique o adecuado seguimento da práctica formativa asociada a bolsa. O incumprimento desta obligación será causa de reintegro da bolsa.

O **documento xustificativo** será remitido polo IDEGA á Subárea de Convocatorias e de RRHH da Área de Xestión da Investigación, que o arquivará xunto co resto do expediente.

Os beneficiarios das bolsas deberán entregar **unha memoria** das actividades realizadas dun máximo de dúas páxinas para a súa conformidade, no prazo máximo de 10 días naturais desde o remate das súas prácticas. A memoria deberá estar asinada pola persoa interesada e pola persoa responsable da súa titorización.

A Universidade de Santiago de Compostela resérvase o dereito a requirirlle ás persoas beneficiarias a documentación orixinal que deu lugar á obtención da bolsa de verán. O

incumprimento desta obriga, ou a constatación por parte da Universidade da falsidade ou inexactitude dos datos que deron lugar á concesión da bolsa, serán causa de reintegro.

#### DÉCIMOQUINTA. Disposición derradeira

Contra a presente resolución, que esgota a vía administrativa, poderase interpoñer un recurso contencioso-administrativo ante o Xulgado do Contencioso-Administrativo de Santiago de Compostela, no prazo de dous meses contados desde o día seguinte ao da súa publicación, de conformidade co disposto na Lei 29/1998, do 13 de xullo, reguladora da xurisdición contencioso-administrativa.

Non obstante, as persoas interesadas poderán interpoñer un recurso potestativo de reposición no prazo de un mes perante o órgano que a ditou. Neste caso non se poderá interpoñer o recurso contencioso-administrativo antedito mentres non recaia resolución expresa ou presunta do recurso administrativo de reposición, ao abeiro dos artigos 123 e seguintes da Lei 39/2015, do 1 de outubro, do procedemento administrativo común das administracións públicas.

Santiago de Compostela,

O reitor

Antonio López Díaz

## ANEXO I

### IDEGA

#### 1. Réxime xeral

Convócanse **4** bolsas de iniciación á investigación no IDEGA das que polo menos 1 estará reservada para o alumnado da USC.

O financiamento imputarase á partida orzamentaria **6015.29B6.64100** correspondente ao ejercicio 2023. A contía máxima para estas axudas ascende a **4.000 euros**.

Estas axudas están financiadas pola Consellería de Cultura, Educación e Universidade da Xunta de Galicia.

#### 2. Período de realización da bolsa

A duración da bolsa será de **un mes** e deberá realizarse no mes de setembro 2023, deberá corresponderse sempre ao mes natural completo.

#### 3. Contía da axuda xeral

A axuda terá unha contía máxima de 750 euros brutos polo tempo establecido no punto 2 deste anexo, ou a parte proporcional no caso de que a estancia sexa por un tempo inferior. A este importe aplicaránse as retencións correspondentes a conta do Imposto sobre a Renda das Pessoas Físicas (IRPF), conforme ao previsto na norma reguladora dese imposto. Así mesmo, descontarase deste importe a cotización da Seguridade Social correspondente á persoa adxudicataria, segundo o disposto no Real 1493/2011, do 24 de outubro, polo que se regulan os termos e condición de inclusión no Réxime da Seguridade Social das persoas que participan en programas de formación.

#### 4. Requisitos das persoas aspirantes

- a) Ter cursado no cursos 2021-2022 ou 2022-2023 estudos correspondentes ao último ou penúltimo curso do grao en Economía, Administración e Dirección de Empresas, Xeografía, ou titulacións relacionadas, ou Masters relacionados, debendo ter superados os créditos da titulación indicados na base Cuarta.
- b) Presentar unha carta de presentación asinada por un titor dalgún dos proxectos para os que se solicita a bolsa no IDEGA (Anexo II)



- c) So se poderá presentar unha solicitude para un dos proxectos

## ANEXO II

## ANEXO II

Listado de proxectos elixibles del IDEGA (escolla únicamente unha opción)

	TÍTULO DO PROXECTO	INVESTIGADOR/ES TITORES	LUGAR DE REALIZACIÓN
<input type="checkbox"/>	(Re)pensar las ciudades y la forma urbana: nuevas políticas para recuperar ciudades habitables en línea con la Agenda Urbana	Lois González, Rubén Camilo Piñeira Mantañán, María José	IDEGA
<input type="checkbox"/>	Avaliación da dependencia dos recursos mariños na área da Ría de Pontevedra	Gonzalo Rodríguez Rodríguez	IDEGA
<input type="checkbox"/>	Desenvolvemento de ferramentas metodolóxicas para o estudo do impacto do Camiño de Santiago a escala local e agregada	Melchor Fernández Fernández	IDEGA
<input type="checkbox"/>	Elaboración do Mapa de Instalacións Deportivas de uso público de Galicia	Manuel Fernández Grela Melchor Fernández Fernández	IDEGA



CONSELLERÍA DE  
CULTURA, EDUCACIÓN  
E UNIVERSIDADE

## Formulario de Solicitud

### Aceptación das condicións de uso Segundo a LOPD.

- Autorización De acordo coa Lei orgánica 3/2018, do 5 de decembro, de protección de datos persoais e garantía de dereitos dixitais e co Regulamento da UE 2016/679, os datos serán procesados pola Universidade de Santiago de Compostela (USC) con o propósito de gestionar os procesos de acceso á universidade, matrícula, continuación de estudos, transferencias, xestión de expedientes académicos, titulacións e cursos de posgrao, terceiro ciclo e formación continua, tramitación de reclamacións, recursos, queixas e suxestións, control económico de prezos, enquisas, prácticas, así como calquera outra actividade que se inclúa na xestión académica. O responsable do dito tratamento é a Secretaría Xeral da USC, cuxos datos de contacto son Praza do Obradoiro, s/n, 15782- Santiago de Compostela, correo: secxeral@usc.es, teléfono 881811009. O delegado de protección de datos é Marcos Almeida Cerreda, dpd@usc.es A base da xustificación deste tratamento é a prestación do servizo de educación superior (Lei orgánica de universidades e Lei autonómica 6/2013, do sistema universitario de Galicia). Os datos poden transferirse ás administracións públicas con competencias na materia e nos casos de obrigas legais. As persoas interesadas poden exercer os seus dereitos de acceso, rectificación, eliminación, limitación de tratamiento, oposición e portabilidade a través da Oficina Electrónica en <https://sede.usc.es/sede/publica/catalogo/procedemento/33/ver.htm>

Tamén poden poñerse en contacto coa Axencia Española de Protección de Datos para facer a reclamación que consideren oportuna. Os datos conservaranse durante o período no que se realizou o propósito para o que foi recollido, ou o tempo necesario para cumplir as obrigas legais. Unha vez cumprido o propósito, os datos que non forman parte da prestación do servizo público quedarán bloqueados ata que transcorran os prazos de prescripción aplicables. A política de privacidade e protección de datos da USC pode atoparse en <http://www.usc.es/pt/normativa/proteccióndedatos/Política-privacidad.htm>

Autorización: Autorizo o tratamento dos datos proporcionados de acordo coa lexislación vixente


### Declaración de datos persoais e de contacto

• Tipo de documento identidade	<input type="text"/>	• Número documento de identidade	<input type="text"/>
• Nome	<input type="text"/>	• Apelidos	<input type="text"/>
• Data de nacemento	<input type="text"/>	• País de nacionalidade	<input type="text"/>
• Endereço	<input type="text"/>		
• Localidade	<input type="text"/>	• Concello	<input type="text"/>
• Provincia	<input type="text"/>	• País	<input type="text"/>
• Teléfono	<input type="text"/>	• Email	<input type="text"/>
• Alumno da USC	<input type="radio"/> Si	<input type="radio"/> Non	<input type="checkbox"/>

### Datos xenéricos

Agrupación para a que se solicita a bolsa:				
• Declaro:	<input type="checkbox"/> - Cumplir os requisitos académicos establecidos na base constante da convocatoria. <input type="checkbox"/> - A veracidade da documentación e da información adxunta na solicitude, comprometéndome a probar documentalmente todos los datos que figuraren nelase a Universidade de Santiago de Compostela requíreos. <input type="checkbox"/> - Non incorrer en ningunha das causas de inhabilitación previstas no artigo 13.2 da Lei xeral de subvencións 28/2003, do 17 de novembro. <input type="checkbox"/> - Non ter concedida ou solicitada ningunha outra axuda para a mesma finalidade			
	<input type="checkbox"/> Conforme coa declaración responsable			
	<input type="radio"/> Si	<input type="radio"/>	<input type="radio"/>	<input type="radio"/>

Sinatura:



**ANEXO IV**

**ACEPTACIÓN DA BOLSA DE INICIACIÓN Á INVESTIGACIÓN**

**DATOS DA PERSOA QUE OBTIVO A BOLSA**

**Apelidos, nome:**

PASAPORTE/NIE/NIF:

E-mail de contacto::

Teléfono de contacto:

en virtude da solicitud presentada de conformidade coa Resolución reitoral do XX de xullo de 2023, pola que se establecen as bases reguladoras e se convocan bolsas para a iniciación á investigación no Instituto de estudos e desenvolvemento de Galicia (IDEGA), publicada o XX de xullo de 2023 no Taboleiro Electrónico da Universidade de Santiago de Compostela, manifesta a **ACEPTACIÓN** da subvención proposta e das condicións establecidas na referida resolución.

Santiago de Compostela, a

Nome, apelidos:

Asinado:

## Sinatura dixital / Firma digital / Digital signature

Asinante/Firmante/Signer: ANTONIO LOPEZ DIAZ, REITOR, UNIVERSIDAD DE SANTIAGO DE COMPOSTELA, 03/07/2023 14:20:38.

CSV: 8A3E-2AEF-43A6-9B64